

Na osnovu člana 24, a u vezi s članom 5. stav (2) tačka b) Zakona o internoj reviziji institucija Bosne i Hercegovine ("Službeni glasnik BiH" br. 27/08 i 32/12) i u skladu s članom 4. stav (2) Odluke o usvajanju standarda interne revizije u institucijama Bosne i Hercegovine ("Službeni glasnik BiH" broj 93/17), Centralna harmonizacijska jedinica Ministarstva finansija i trezora Bosne i Hercegovine donosi

ODLUKU
o usvajanju Povelje interne revizije u institucijama Bosne i Hercegovine

Član 1.

(Predmet Odluke)

Ovom odlukom Centralna harmonizacijska jedinica Ministarstva finansija i trezora Bosne i Hercegovine usvaja Povelju interne revizije u institucijama Bosne i Hercegovine (dalje u tekstu: "Povelja").

Član 2.

(Tekst Povelje)

Povelja interne revizije u institucijama Bosne i Hercegovine čini sastavni dio ove odluke.

Član 3.

(Primjena Povelje)

Obaveza poštovanja i primjene Povelje odnosi se na organizacije iz člana 2. stav (2) Zakona o internoj reviziji institucija Bosne i Hercegovine.

Član 4.

(Prelazne i završne odredbe)

Stupanjem na snagu ove odluke prestaje da važi Povelja interne revizije u institucijama Bosne i Hercegovine, objavljena Odlukom o usvajanju Kodeksa profesionalne etike za interne revizore u institucijama Bosne i Hercegovine, Povelje interne revizije u institucijama Bosne i Hercegovine, Priručnika za internu reviziju sa standardima interne revizije u institucijama Bosne i Hercegovine ("Službeni glasnik BiH", broj 82/11).

Član 5.

(Stupanje na snagu)

(1) Odluka stupa na snagu osmog dana od dana objavljivanja u "Službenom glasniku BiH".

(2) Odluka će biti objavljena i na veb stranici Centralne harmonizacijske jedinice Ministarstva finansija i trezora Bosne i Hercegovine: www.mft.gov.ba .

Broj: 02-1-02-4-138-1/18
Sarajevo, 05.04.2018. godine

Direktor
Centralne harmonizacijske jedinice
Ministarstva finansija i trezora Bosne i
Hercegovine

Ranko Šakota, s.r.